

Ataatsimiinnerup ammarneqarnera

(Sivisunerpaamik ilaasortaasimasoq)

Assut nuannaarutigaa Inatsisartunut ilaasortaqaatit 2016-imi Ukiakkut Ataatsimiinnermut matumunnga tikilluaqqusinnaagassi.

Neriuppunga aasarsiorluarsimassasusi.

Ataatsimiinnermi oqaluuserisassat pingaarutillippassuit oqaluuserisussaavagut, neriutigaaralu pitsaasumik, inerititaqarfiusumik minnerunngitsumillu siunnerfilimmik suleqatigiinnikkut taakku angusaqarfiulluartumik oqaluuseriumaarivut.

Naalackersuisut inatsisiliortullu pitsaasumik inerititaqarfiusumillu suleqatigiinnissaannik kissaateqarlunga taama-tuttaaq Naalackersuisunut ilaasortat qamannga pisumik tikilluaqquakka.

Sineriassuatsinni isorartoqisumi nunaqqativut tamaasa TV-kkut inatsisartullu nittartagaatigut Inatsisartut ataatsimiinnerannik malinnaasut pinngitsoorusunngilanga aamma tikilluaqqussalugit.

Takusinnaavara Inatsisartunut ilaasortat tamarluinnangajammik ataatsimiinnerup ammarneqarneranut apuussimasut. Vivian Motzfeldt New Yorkimiippoq Naalagaaffiit Peqatigiit ataatsimeersuarnerannut peqataalluni.

Anders Olsen aamma Suka K. Frederiksen suli apuutin-ngillat.

Naaja Nathanielsen qinigaanermunit tunuarsimavoq, taa-malu aamma Inatsisartunut ilaasortajunnaarluni. Ta-manna tunngavigalugu aamma Hans Aronsen sinniisussaajunnaarluni Inatsisartunut ilaasortavinngorpoq.

Debora Kleist Inuit Ataqaatigiinni sinniisussatut ataatsimiigiiaqquneqarpoq, Aaja Chemnitz Larsen suli Inatsisartunit sulinngiffeqarmat.

Qinigaanerup Misilinneqarnissaanut Ataatsimiititaliap Debora Kleistip qinigaasinnaanera akuersissutigisimavaa.

Aaja Chemnitz Larsenip sinniisussaatur Debora Kleistip Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni

Debora Kleist tikilluarit, Inatsisartuni inissannut ingissinnaavutit.

Hans Aronsen napparsimalluni nalunaarsimavoq, taamalu sinniisusnaanik ataatsimiigiaqqusisoqarluni. Kelly Berthelsen ataatsimiigiaqquneqarsimavoq, taamatullu aamma Qinigaanerup Misilinneqarnissaanut Ataatsimiititaliap Kelly Berthelsenip qinigaasinnaanera akuerisimallugu.

Hans Aronsenimut sinniisussatur Kelly Berthelsenip Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni

Kelly Berthelsen tikilluarit, Inatsisartuni inissannut ingissinnaavutit.

Naggataatigut ilisimatitsissutigisinnavara Inatsisartut sinnerlugit Ataqqinartorsuaq Dronning Margrethe Aappaat, danskit naalakkersuisui, Folketingi, Islandimi Altingi Savalimmiunilu Lagtingi kiisalu Nunavummi inatsisartut inuulluaqqussuteqarfigisimagakkit Inatsisartut ukiuanni nutaami pitsaasumik inerititaqarfiusumillu suleqatigiittuarnissaq kissaatigalugu.

Taamatut oqaaseqarlunga Inatsisartut 2016-imi Ukiakkut Ataatsimiinnerat ammarneqartutut nalunaarutigaa.